

畿輔通志卷二百二十七

列傳三十五

國朝二 順天二

國朝

順天府

宛平縣

金鎮

劉文炤

劉武元

康萬國

王綱肅

周傑

王熙

童士勤

許世昌

張國賢

鍾夢豹

吳道煌

田種玉

劉芳躅

王嘉楨

米漢安

父壽都弟漢倬

顏學

徐承蔭

朱之良

楊銓

周焜

李炯

高裔

翟乃慎

汪元綬

王克莊

王燕

查日乾

查爲仁
子善和
善和子誠

查爲義

查禮
子醕
醕子林

李綬

何琇

徐希茂

徐觀孫

何玠

張模
父冲之

盛英

黃炎

孫維龍
羅載堂

戴求仁

何璘

邱庭樹
子桂山

史謙

丁觀國

陳際新

陳預

周廷俊

傅鼐

史積容

徐樂山

王然

徐有壬
子震翼

趙振祚

葉堃

袁績懋

喬應庚

良鄉縣

楊三知

張元樞

袁生芝
姪象乾

固安縣

卜進義
曾孫景超

楊之璽

李印奇
李九祥侯盡善

楊直政
隨宗印 李思聰

孫延增
弟延英

張進寶

田士魁

吳春

王灝

劉宏道
張世福王老肥

于觀海

穆得元
卜大醕楊潔

永清縣

賈鉉
子彭子慶檀彭

張楨

張日新

劉基
梁煥

張孝子
韓溥王傑

葉福棠
張耀崙張春園

房廷貴
附殉難諸人

劉源灝
弟源濬

劉毓崑

韓燿

張玉

王福徵
趙儒苑劉

陶 劉連桂

朱文錦 兄雲錦

馮祥麟

東安縣

李錫命

許濟

邵文光

梁問孟

宛平縣

金鎮字又鑣號長真明舉人順治改元授山東曹縣知縣旋
丁艱歸補河南閔鄉縣知縣改鑾儀衛經歷隨遷刑部員外
郎康熙十三年進本部郎中會

上方愼獄復矜恤之典分部使循行郡縣鎮使河南恤刑凡七閱月
計所全活約一百一十人矜疑半之援赦又半之次年轉河
南汝甯府知府時淮蔡多盜兼無年民田荆榛道殣千餘里
真陽西平諸遺孽未清往來萑苻間而新蔡李樊與泌陽郭

三海據平頭寨相結以起民爭逃村落皆墟鎮一意撫字除苛細下墾土之令生聚教訓示民自新取爲政去太甚一語書之訟堂而親統銳丁勦李焚除其根株切勿引蔓會清理藩產躬驗丈尺而海上投誠兵適安插真光之間凡開屯升稅極意調劑令民兵相安一切津梁祠宇宜毀宜復者皆爲整理治汝十六年改補揚州知府值撤藩兵變維揚適當其衝城中震恐一日三徙有爭門而奔者鎮力爲慰諭且以威懾之始安兵馬驛騷處以鎮靜嘗招名士遊譙修復平山堂作文誦之事治民得不擾升江甯驛傳鹽法道副使兼署鹽運司事升江南按察使大計入

覲召對敷陳二事一請定盜案嚴減之例謂江左連年災盜賊多有三載之中題報八十餘而其中饑寒逼迫可減者衆如一時

窮困被誘並不傷事主或得財未俵分或於事主家雜取棍
械護身原未嘗攜帶器械皆宜飭部分別量減永定爲例至
捕役營兵發縱勒財以致先取贓物然後報官甚有指陳打
點代行錢令行劫償還是盜有時盡而捕盜之盜反無窮也
如此得實宜從窩盜律一體重擬則犯盜者少而民得安矣
一請定旗下買人及獲盜審訊之例謂江甯京口二旗買人
多有無籍者自立賣契旗主但送上元江甯丹徒三縣用印
而並未行查原籍察其真僞多有展轉掠買而不之知者嗣
後請三縣用印官將所買之人申報巡撫巡撫按季報部隨
卽行文原籍出示招驗其有可疑者令旗主還契追價其用
印官不報照新例治罪至於旗下逃人奉有承審官夾訊之
例獨旗人爲盜被獲難以刑訊其狡賴展脫將何底極嗣後

旗人爲盜儻夥證甚明贓杖已確許承審官徑行刑訛則奸
宄畏法而盜風息矣疏問稱

自康熙二十四年卒

毛奇齡撰墓志

著有清美堂詩集

詩傳

劉文昭字雪舫

茶餘客話

其先海州人

靳榮藩明史后妃傳註

明新樂侯文

炳弟甲申之變文炳闔門殉難文昭年十五逃回故里變姓

名至淮居珠湖

茶餘客話

好學工書

魏禧贈劉文昭亭

著有攬蕙堂偶存

畿輔詩傳

死高郵

鄧漢儀詩觀

劉武元字鎮藩官甲喇章京拜刑部侍郎以病免

世祖入都以天津爲京左要衛起武元爲參政備兵尋擢都御史巡

撫江西南贛俗悍民貧武元一意綏輯恩威並用地方賴以

少安未半載提督金聲桓與其部將王得仁以南昌叛全省

響應兩粵八閩亦互爲聲援贛以孤城介處其間將士作觀

望計向背莫可期必人情洶洶罔知所屬武元張筵召諸將
飲問戰守策眾皆默然武元手卮酒顧諸將曰君臣分定順
逆關頭請決於今日諸君願效死者盡此卮不爾斷予首以
示賊毋顧慮也聲與淚俱眾乃感動爭前飲酒因共插血呼
天誓不與賊兩立未幾賊號二十餘萬來侵武元開門迎戰
部將徐某降賊賊乘勢圍城百計以攻皆應手破之凡三閱
月糧盡無援武元悉貲財並脫夫人簪珥享士約以背城一
戰士皆感激奮呼赴敵鏖戰竟日無不一當百者賊大敗伏
尸遍野退屯東山猶思誘我兵空城出擊乃設伏陰襲之武
元知其謀詰朝選銳卒百人持炬前驅大兵繼進賊伏見前
驅者果突出大兵力敗之東山賊望之亦遁追奔四十餘里
斬獲焚溺無算棄甲與山齊圍遂解武元欲乘勝北下以復

南昌聞廣逆李成棟謀取贛以助聲援乃堅守待之三月後成棟果率卒十餘萬眾水陸並進其鋒甚銳武元先馳兵數百以撓其氣迨夜縋城出敢死士襲其壘連劫十餘寨武元親以大隊乘之賊大潰成棟僅以身免事聞

上嘉其績手詔慰勞賜賞甚厚晉兵部尚書李逆將餘黨圖再舉武元復統兵下信豐大破之斬成棟以徇論功進太子大保以病乞歸家居六月而卒

贈少保

賜祭葬追諡曰明靖

縣志

康萬國字治宇明舉人順治初知河南濬縣居官慈惠下士禮賢以考最行取戶部主事

王綱肅字清寰寬厚有度嘗買一婢詢係南昌士族訪其家

還之官福建鹽運同知釐剔積弊力請免欠課一萬七千有奇遷守浙江臺州下車平反冤獄脫重囚十八人臺風號瘡苦且是時駐兵數萬摧殘尤甚綱肅多方禁約民賴以安稱爲今之召杜云

周傑字天錫深沈有幹略以武進士官滁州衛守備職司運糧時漕政大壞滁爲甚傑力加搜剔積弊始清擢甘肅掌印都司抵任一月卽有以奸僧告訐者巡撫命傑廉其黨姓名欲盡置之法傑曰吾能爲一官而害無辜百姓乎遂焚其冊與撫軍抗撫軍弗善也遂改任黃甫營參將黃甫極邊地兵驕民困傑號令嚴明除暴詰奸備城垣設立義學民皆向化在任三載以父憂去

俱同上

王熙字子雍一字胥庭號慕齋舉順治二年鄉試明年成進

士改庶吉士授檢討十年春

世祖親試習國書翰林列優等

召見以滿語奏對大蒙

褒賞累遷司業中允洗馬諭德

召入南苑校譯大學衍義及勸善書遂

命長值南苑常隨獵

賜乘御馬十二年初設日講官以熙及學士麻勒吉胡兆龍等充之

熙直講稱

旨

諭嗣後講官不必立講遂侍坐尋奉有

駕出卽隨不必請

旨之諭明年遷侍講學士又明年進宏文院學士時熙父崇簡方任

國史院學士

世祖諭曰父子同官古今所少以爾誠恪特加此恩尋充經筵講官
教習庶吉士典武會試擢禮部右侍郎兼掌院學士十七年
上命造直房景運門內熙與諸翰林分班直宿考滿加禮部尚書銜
崇簡適掌禮部父子同部尚書海內榮之十八年元日

上不豫熙日請安於

御榻前初六日漏下三

召入養心殿

命撰詔書熙匍伏飲泣筆不能下

上命抑悲痛卽榻前起草熙拭涕書一條進恐

聖躬過勞奏移於乾清門下撰擬凡三次進呈皆報可初七日薄暮

繕畢

世祖卽以是夕上賓熙偕顧命諸大臣入哭同擬

尊諡及

聖祖卽位年號又爲輔政大臣等撰誓文至面奉憑几之言有事關國家大計與諸大臣再三密議而後決者熙終身不以語人雖子弟莫得而傳也康熙元年以禮部尙書管左侍郎事三年坐事奪尙書銜五年除左都御史疏請嚴督撫徇庇司道處分又言近例招民百家送至盛京得授知縣不肖奸人往往借資爲市宜改給散秩又言江楚閩越諸路王公將軍督撫提鎮多自置官商奪民利又官商多指稱藩挾勢橫行宜嚴飭申禁又言官吏捐輸博議敘名出私橐實取自民間宜一切報

罷均從之當是時平西王吳三桂駐雲南平南王尙可喜駐廣東靖南王耿靖忠駐福建擁兵踰制三桂尤驕縱熙疏言

一歲賦入大半耗於兵餉就雲貴言歲需餉銀三百餘萬兩
急宜減汰綠旗額兵其藩下餘丁亦宜遣散屯種庶勢分而
餉亦裕

詔下所司議省額餉百餘萬七年夏旱金星晝見

詔求直言疏陳法祖所以敬天請飭部院諸司詳察見行事例有因
變法而滋弊者悉遵舊制更正

詔下所司確議於是鄉會試仍用八股文又前此各官儀衛踰制河
工不立限期刑部獄囚霜降後不卽朝審至是皆遵舊例其
繁例就刪者復數十事中外稱便又疏言逃人詭稱寄頓財
物不必遽行句取致累無辜至窩逃之人物故其妻子請免
流徙從之遷工部尙書調兵部十二年三桂反明年熙疏言
大兵已抵荆南元愍旦夕授首逆子應熊素憑勢位黨羽衆

多大寇在外大憝在內請速正法傳首湖南四川以寒之膽以絕羣奸之望以激厲三軍之心疏入應熊旋伏法方滇黔之初告變也都城內外一夕火四起尋有僞朱三之獄捕繫數百人掠治不得主名皆應熊及其黨惡爲之三桂自恃角距已成又以其子方尙主

朝廷必不殺以爲之招及應熊誅三桂驚悸發病竟以死人皆遑熙之能聲大義云十五年

諭專管密本前此漢官不與聞軍機異數也會

詔舉賢能官熙疏薦原任御史郝浴候補司道鄭瑞周體觀

詔徵博學鴻詞薦原任推官尤侗中書汪懋麟皆次第錄用十七年丁父憂二十一年在政府務以和平寬大宣

上德意罷權宜之計停加征之額不沽名不市恩不植黨援於四方

利病及國家典制沿革無不周知遇事直陳無隱而一不以
已與也三十五年加太子太傅二十七年典會試三十一年
以疾請告不許四十年再三乞休

優旨允致仕晉少傅

賜寶露禁藥明年上元節

賜宴於家四月遣侍衛賚

手敕榻前

賜御書匾一聯一四十二年上元節復

賜宴於家越旬有二日卒年七十有六時

車駕方南巡聞訃震悼

命直郡王允禔大學士馬齊率侍衛往奠且傳

諭直郡王曰大學士王熙係

世祖章皇帝舊臣宜行拜奠之禮舉哀酌酒於是王行三叩禮大學士九卿等合詞具劄謝恩尋

賜祭葬如例謚文靖熙立朝五十餘年盡力抒忠完全名節以恩禮始終性篤孝十二歲母梁夫人病革禱於天願減算益母壽父晚歲好遊常徧歷西山諸勝熙恐其勞於登陟乃構怡園於宅西偏蒔芍藥數百畦於豐臺別墅以娛之丁父憂時年已踰五十矣號泣如孺子顏書屋曰慕齋待兄弟友愛布政使然巡撫燕金衢道照皆以熙推廕起家者也生平邃於經史工詩文尤好施與京師義學育嬰堂月有俛助凡大典禮如耕藉田冊立東宮陪祀闕里大制作如總裁實錄玉牒典訓方略國史明史一統志熙皆膺其任前後賜

宸翰十餘幅堂額三日席寵堂曰曲江風度曰耆年碩德他珍物不